

Akissarsiat allagartaat ukiumoortoq nutaaq ukiumut 2017-imut ukiunilu aggersuni immersortagassaq pillugu paasissutissiineq, Sulisitsisunut namminersortunut

Akileraartarnermut Aqutsisoqarfik akissarsiat allagartaanik nutaamik suliaqarpoq sulisitsisunut namminersortunut, taaguutaa allanngungnilaq “20XX-imi isertitanut paasissutissaq”. Isertitanut paasissutissanik immersugassaq siullermeerlugu atorneqalissaaq ukumi aningaasarsiorfiusumi 2017-imut akissarsiarititanut il.il. paasissutissanik nalunaaruteqarnermi.

Sulisitsisut namminersortut soorlu selskabit, namminersorlutik inuussutissarsiuteqartut kiisalu sulisitsisut allat immersugassaq “20XX-imi isertitanut paasissutissaq - A11” Sulisitsisut namminersortut immersortassavaat.

Ilusilersornera (formatia) aamma allanngorpoq

Akissarsiat allagartaanik manna tikillugu atorneqartumik allannguineremi, akileraartarnermut inatsimmi taannalu tunngavigalugu nalunaarusiani aalajangersakkanik assigiinngitsunik allannguutiteqartitsarnerit pingarnerpaatut tunngaviupput. Allannguineq akissarsiat allagartaata ilusilersorneqarne-ranik/formatianik aamma allannguisariaqalernermik kinguneqartitsivortaaq. Tamanna isumaqarpoq ukiumut aningaasarsiorfiusumiit 2017 immersuffissat (felt-it) 34-iinnanngortut.

Isertitanut paasissutissap nutaap immersorneqarnissaanut ilitsersuusiortoqarportaaq, sulisitsisullu allannguutigitinnejartut pingartumik makku maluginiassavaat:

- Nunani allani soraernerussutisiassatigut akiliutinut akileraaruserneqartussat.
- Akileraarutit unerartitat Nunani allani soraernerussutisiassatigut akiliutinut.
- Akeqanngitsumik internettersinnaatitaaneq

Ukioq aningaasarsiorfik 2017 aallarnerfigalugu akeqanngitsumik internettersinnaatitaaneq inisisimaffia nuunneqarpoq normu 18-imut.

Malugeqquneqarportaaq Kalaallit Nunaata avataaniittuniit pensioniaqartitsiviit akiliutigineqartartunut akileraaruserneqarnissaa taakkunanngalu akileraarutit unerartinnejartut, isertitanut paasissutissat pillugit immersugassaq nutaaq atorlugu nalunaarutigineqassammata.

Immersugassaq “20XX-imi akissarsiarititanut il.il. nalunaarut – A10” allannguuteqanngilaq.

Qulaani taaneqartutut “20XX-imi isertitanut paasissutissaq – A11” nutaaq ukioq aningaasarsiorfik 2017 aallarnerfigalugu atorneqalissaaq. Soorluttaaq ukiunut aningaasarsiorfiusunut 2017-imut siusinnerusunut nalunaaruteqassatillugu immersugassaq nutaaq “20XX-imi akissarsiat allagartaat ukiumoortoq – A11” atorneqartassaaq.

Formatip nutaap allaatigineqarnera

Formati nutaaq, isertitanut paasissutissat pillugit immersuiffissaq nutaamut tunngasoq, allaatigineqarportaaq, tamannalumi sulisitsisut akissarsiaritanut qarasaasiakkut aqutsissutaani iluarsiissuteqartariaqalernerannik kinguneqartitsilerpoq.

Qarasaasiatigoortumik akissarsialerissummi aaqqiinissat siunertaralugit Akileraartarnermut Aqutsisoqarfimmit innersuussutigineqarpoq qarasaasiatigut aaqqissuussinermi ineriertortitserisartorisamik atassuteqartoqaqqullugu.

Akileraartarnermut Aqutsisoqarfiup nittartagaani - [www.aka.gl-im](http://www aka gl imi) – makku ivertinneqarput:

- 20XX-imi isertitanut paasissutissaq - A11 (Sulisitsisut namminersortut)
- Isertitanut paasissutissap A11-p immersornissaanut ilitsersuut

<https://sulinal.nanoq.gl/>-imi una ivertinneqarpoq:

- Isertitanut paasissutissamut A11-mut formatit sulisitsisut akileraaruseriffiullu akornanni atorneqartut pillugit allaatigineri – ukioq aningaasarsiorfik 2017 aallarnerfigalugu atuutilersoq. Formatit pillugit allaatigisaq taanna sulisitsisunut namminersortunut kisimi atuuppoq.